

U skladu sa odredbama Zakona o obligacijskim odnosima („Službeni list RBiH“, br. 2/92, 13/93 i „Službene novine Federacije BiH“ br. 13/94 i 42/11), dana 28.12.2018. godine u Sarajevu, z a k l j u č u j e s e

U G O V O R

O K U P O P R O D A J I

I z m e đ u

- 1. KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva br. 28, 71 000 Sarajevo, Identifikacioni broj 4201424050008, PDV broj 201424050008, a koju zastupa i predstavlja direktor mr. sci. Osman Delić, kao Kupac sa jedne strane i
- 2. ALDA doo Sarajevo**, sa sjedištem u ulici Braće Mulića br. 65, 71 000 Sarajevo, Identifikacioni broj 4201645570006, PDV broj 201645570006, račun broj 1401031120007137, otvoren kod Sberbank dd Sarajevo, a kojeg zastupa i predstavlja direktor Amel Dizdarević, kao Prodavac sa druge strane.

I - PREDMET UGOVORA

Član 1.

Predmet Ugovora o kupoprodaji (u daljem tekstu: Ugovor) je nabavka, isporuka i instaliranje kompjuterske opreme i telefonske centrale.

Kupac i Prodavac su saglasni, da Prodavac u ime i za račun Kupca izvrši isporuku opreme iz stava (1) ovog člana prema ponudi sa kojom je Prodavac učestvovao u provedenom postupku konkurentskog zahtjeva za dostavljanje ponuda.

II - CIJENA

Član 2.

Ukupna cijena za nabavljenu, isporučenu i instaliranu opremu iz člana 1. Ugovora, utvrđuje se u nepromjenjivom fiksnom iznosu od 13.118,97 KM (slovima:trinaesthiljadastotinuosamnaest KM i 97/100) sa uračunatim PDV-om.

U cijenu je uključena i isporuka, montaža i instaliranje opreme, kao i usluge servisa i popravki u garantnom roku od 36 mjeseci.

III- PLAĆANJE

Član 3.

Plaćanje isporučene opreme iz člana 1. ovog ugovora Kupac će izvršiti u roku od 30 dana od dana isporuke i instaliranja opreme i ispostavljanja računa/ fakture, shodno članu 12. stav (1) Zakona o finansijskom poslovanju Federacije BiH („Sl. novine Federacije BiH“, broj 48/16).

Kupac će izvršiti plaćanje robe iz člana 1. Ugovora, na žiro račun Prodavca broj: 1401031120007137, otvoren kod Sberbank dd Sarajevo.

IV - MJESTO ISPORUKE ROBE

Član 4.

Mjesto isporuke opreme koja je predmet ovog ugovora je direkcija Kupca, ulica Branilaca Sarajeva 28, 71 000 Sarajevo.

V – NAČIN I ROK ISPORUKE ROBE

Član 5.

Isporuku opreme iz člana 1. ovog ugovora Kupac će u cjelosti izvršiti u roku od 15 kalendarskih dana od dana obostranog potpisivanja ugovora.

VI- KVALITET ROBE

Član 6.

Prodavac se obavezuje da će isporučena oprema iz člana 1. ovog Ugovora biti traženog kvaliteta, odnosno odgovarati tehničkim karakteristikama koji su opisani u specifikaciji opreme (Prilog br. 4).

Kvalitet oprema koja je predmet ovog ugovora kontrolisat će predstavnik Kupca i predstavnik Prodavca prije njene isporuke.

O obavljenim kontrolama i primopredaji opreme sačinit će se Zapisnik o kvantitativnom i kvalitativnom pregledu opreme, te Zapisnik o primopredaji opreme.

Član 7.

Sva eventualna odstupanja i nedostaci, prilikom primopredaje opreme, konstatovat će se Zapisnikom o primopredaji opreme.

Prodavac se obavezuje da će nedostatke konstatovane Zapisnikom o primopredaji opreme otkloniti, o svom trošku, u roku od 7 dana od dana potpisivanja navedenog Zapisnika.

Ako u navedenom roku Prodavac ne otkloni nedostatke konstatovane Zapisnikom o primopredaji opreme, Kupac zadržava pravo da raskine Ugovor.

VII – PRAVO OSIGURANJA ORIGINALNIH REZERVNIH DIJELOVA I SERVISA

Član 8.

Prodavac se obavezuje da će obezbijediti rezervne dijelove i servis u garantnom roku od 36 mjeseci, na sve specificirane uređaje.

Rezervni dijelovi moraju biti novi, originalni dijelovi od izvornog proizvođača što će se moći provjeriti na osnovu serijskih brojeva dostupnih na web stranici proizvođača a čime će se garantovati kvalitet opreme.

Mali servis će se obavljati svakih 6 mjeseci a veliki svakih 12 mjeseci od trenutka isporuke opreme.

Prodavac se obavezuje da će na isporučenoj opremi izvršiti instaliranje originalnog, licenciranog MS Office-a 2017. kao i licenciranog antivirusa.

VIII - PERIOD TRAJANJA UGOVORA

Član 9.

Ovaj ugovor se zaključuje na period od 36 mjeseci, a stupa na snagu danom potpisivanja od strane ovlaštenih osoba ugovornih strana.

Ugovorne strane mogu odustati od ovog ugovora i prije njegovog isteka, ukoliko se jedna od strana ne bude pridržavala odredbi ovog ugovora.

Otkazni rok po odredbama ovog ugovora je 15 dana, a o otkazu ugovorne strane se obavještavaju pismenim putem.

IX - OSTALE ODREDBE

Član 10.

Ponuđač u svrhu izvršenja zaključenog ugovora nema pravo zaposliti lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je Komisija za nabavke angažovala, najmanje 6 (šest) mjeseci po zaključivanju ugovora, odnosno od početka realizacije ugovora.

Član 11.

Na druge uslove koji nisu regulisani ovim ugovorom, primjenjivat će se odredbe Zakona o obligacijskim odnosima.

Član 12.

Ugovorne strane su saglasne da eventualne sporove po ovom ugovoru rješavaju sporazumno, a ukoliko to nije moguće nadležan je sud u Sarajevu.

Član 13.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

PRODAVAC

ALDA doo Sarajevo

Direktor

Amel Dizdarević



KUPAC

**KANTONALNA JAVNA USTANOVA
ZA ZAŠTIĆENA PRIRODNA PODRUČJA**
Direktor

mr. sci. Osman Delić



Broj: _____

U SARAJEVU, _____ 2018. godine

Broj: 07-2-282/18

U Sarajevu, 28.12.2018. godine